



**Republika e Kosovës**  
**Republika Kosova-Republic of Kosovo**  
**Qeveria -Vlada-Government**

**Ministria e Kulturës, Rinisë dhe Sportit -Ministarstvo Kulture, Omladine i Sporta -**  
**Ministry of Culture, Youth & Sports**

Departamenti i Trashëgimisë Kulturore

**Sfond për projektin:** Kërkesa për realizimin e projektit “Konservime dhe Restaurime preventive në Lokalitetin Arkeologjik Dresnik ”

Gërmimet arkeologjike në fshatin Dresnik të Komunës së Klinës kanë filluar në vitin 2012. Zbulimi i Pallatit I në 2013, me dysheme me mozaiqe rreth 300m<sup>2</sup> ishte një zbulim tejet i rëndësishëm për trashëgiminë arkeologjike të Kosovës, e cila tërhoqi vëmendjen e mediave botërore. Me vazhdimin e hulumtimeve u zbuluan edhe: Muri fortifikues me kulla, Pallati II me peristil, Horeumi dhe Banjo Romake. Gjithashtu, studimi i incizimit gjeofizik tregon për praninë e strukturave të tjera në jug dhe veri të strukturave tashmë të gërmuara.

Duke iu referuar hulumtimit të lartpërmendur supozohet se Dresniku u ndërtua në fund të shek. III për të shpërbyer si residencë perandorake. Kjo për shkak të tipologjisë së ndërtimit, monumentalitetit dhe estetikës. Përpos gjetjeve të residencës të fundit të shek. III, në Dresnik u gjetën edhe struktura arkitekturale dhe gjetje të tjera të luajtshme që dëshmojnë për një fazë të mëhershme të banimit në këtë lokalitet, e cila datohet prej shek. II-III. Të rëndësishme së veçantë janë monumentet epigrafike ku njoftohemi me onomastikën Dardane të panjoftur deri tani; fragmentet skulpturale të mermerit të punuara me finesë; sarkofagu i plumbit (i ekspozuar në ekspozitën e përhershme të Muzeut të Kosovës) i importuar nga Izraeli I sotëm; ornamente arkitekturore dhe fragmente të jetës së përditshme.

Sot në Lokalitetin Arkeologjik Dresnik, strukturat vizibile shtrihen në një sipërfaqe rreth 0.7Ha ndërsa lokaliteti në tërësi supozohet se mbulon një sipërfaqe rreth 40 Ha.

Projekti “Konservime dhe Restaurime preventive në Lokalitetin Arkeologjik Dresnik ” realizohet nga Institutit Arkeologjik i Kosovës (IAK) dhe udhëheqet nga arkeologu Elvis Shala.

Me këtë projekt synohet të bëhet konservim dhe restaurim preventiv i strukturave arkitekturore të Pallatit 1 dhe Pallatit 2 me qëllim që të parandalohet degradimi i tyre.

Ministria e Kulturës, Rinisë dhe Sportit

**Shpall:**

## KONKURS

I.

Institucioni: Ministria e Kulturës, Rinisë dhe Sportit/IAK

**Titulli i punës : Arkitekt**

Numri i personave që do të rekrutohen: 3

Ditë angazhimi : 100

Kategoria funksionale/koeficienti:

Një ditë = 23 Euro

Numri i referencës : 01-09/2021

Vendi: Prishtinë/Dresnik

Detyrat dhe përgjegjësitë:

1. Të ndjekë të gjitha udhëzimet e arkeologut udhëheqës

2. Ndihmojnë në marrjen e masave të lokalitetit

3. Të bëjë rilevimin e tërësisë e objekteve të trashëgimisë arkeologjike, planimetritë dhe prerjet e objekteve të caktuara sipas udhëzimeve të arkeologut udhëheqës dhe të profesionistit të konservimeve.

Shkollimi i kërkuar , përvoja, aftësisë dhe karakteristikat personale:

4. Arkitekt më njohuri për proceset e rilevimeve, incizimeve të objekteve të trashëgimisë arkeologjike.

5. Të dorëzohet një CV me detaje të përvojës, veçanërisht të përvojës në incizimin dhe rilevimin e objekteve të trashëgimisë arkeologjike.

6. Së paku një rekomandim që dëshmon përvojën në këtë fushë

II.

Institucioni: Ministria e Kulturës, Rinisë dhe Sportit/IAK

**Titulli i punës : Mjeshtër konservimi**

Numri i personave që do të rekrutohen: 1

Ditë angazhimi : 30

Kategoria funksionale/koeficienti:

Një ditë = 30 Euro

Numri i referencës : 02-09/2021

Vendi: Dresnik

Detyrat dhe përgjegjësitë:

1. Të ndjekë të gjitha udhëzimet e ekspertit të konservimit dhe të restaurimit
2. Te zbaton teknikat e murimit dhe të konservimit sipas udhëzimit të ekspertit të konservimit

Shkollimi i kërkuar , përvoja, aftësisë dhe karakteristikat personale:

3. Të ketë njohuri dhe përvojë në murimin dhe konservimin e objekteve të arkitekturës , përkatësisht të objekteve të trashëgimisë arkeologjike

1. Të dorëzohet një CV me detaj të shkollimit dhe përvojës, veçanërisht përvojë në fushën e murimit dhe të konservimit
2. Së paku një rekomandim që dëshmon përvojën në këtë fushë.

### III.

Institucioni: Ministria e Kulturës, Rinisë dhe Sportit/IAK

**Titulli i punës : Punëtorë**

Numri i personave që do të rekrutohen: 8

Ditë angazhimi : 35

Kategoria funksionale/koeficienti:

Një ditë = 20 Euro

Numri i referencës : 03-09/2021

Vendi: Prishtinë

Detyrat dhe përgjegjësitë:

1. Të ndjekë të gjitha udhëzimet e arkeologut udhëheqës
7. Ndhimjnë në marrjen e masave të lokalitetit
8. Asistojnë në konservime sipas udhëzimeve të arkeologut udhëheqës dhe të specialistit të gërmimeve
9. Përgatisin materialin ndërtimor për konservim sipas udhëzimeve specialistit të konservimit

Shkollimi i kërkuar , përvoja, aftësisë dhe karakteristikat personale:

10. Punëtor krahu më njohuri bazë për proceset e konservimit dhe gërmimit
11. Të dorëzohet një CV me detaje të përvojës, veçanërisht të përvojës në konservim
12. Së paku një rekomandim që dëshmon përvojën në këtë fushë

**Shënim:** Çmimi për pozitën mjeshtrë konservimi është i caktuar sipas tregut të lirë të punës.

Përzgjedhja e kandidatëve

Përzgjedhja e kandidatëve do të behet nga komisioni profesional përmes intervistës të secilit kandidat që i plotëson kushtet dhe kriteret e përcaktuara në këtë konkurs.

Procedurat e konkurrimit :

Konkursi është i hapur për të gjithë kandidatet e interesuar që i plotësojnë kriteret e përcaktuara në konkurs

#### INFORMATË E PËRGJITHSHME PËR TË GJITHË KANDIDATËT

Data e aplikimit nga data 22.09.2021

Dokumentacioni i kandidatëve duhet të dërgohet deri me 30.09.2021 në adresën: Ministria e Kulturës, Rinisë dhe Sportit/Departamenti i Trashëgimisë Kulturore për projektin/ IAK për projektin "Konservime dhe Restaurime preventive në Lokalitetin Arkeologjik Dresnik", Klinë